

Syor MPP UMS tubuh KR1M di kampus diterima baik Muhy

DE 21. 2. 2014 6

KOTA KINABALU: Cadangan Majlis Perwakilan Pelajar Universiti Malaysia Sabah (UMS) agar kedai Rakyat 1Malaysia (KR1M) di dalam kampus institut pengajian tinggi diterima baik oleh Timbalan Perdana Menteri, Tan Sri Muhyiddin Yassin.



Fandyi

Menteri Pendidikan itu memuji idea Presiden MPP UMS, Fandyi Sanizan Jurup yang dilihat mampu meringankan beban penuntut memandangkan kos sara hidup yang semakin meningkat pada masa kini.

Fandyi berkata, pewujudan KR1M penting untuk menjaga kebajikan mahasiswa agar tidak tertindas dengan kenaikan harga barang secara mendadak.

“Kenaikan harga barang-barang di pasaran saya mampu menindas golongan mahasiswa. Oleh itu, saya selaku wakil mahasiswa UMS memohon pihak kementerian agar mempertimbangkan cadangan ini,” ujarnya pada majlis ramah mesra bersama Muhyiddin, di kediaman rasmi beliau di Kuala Lumpur, baru-baru ini.

Selain Fandyi rombongan UMS terdiri daripada Timbalan Naib Canselor (Penyelidikan & Inovasi) Prof. Dr. Shahril Yusof; Timbalan Naib Canselor (Hal Ehwal Pelajar & Alumni), Prof. Madya Datuk Hj. Kasim Hj. Md Mansur serta Ketua Jabatan Hal Ehwal Pelajar dan Alumni, Mohd. Raffie Hj. Janau.

Turut hadir Timbalan Ketua Menteri Datuk Seri Yahya Hussin mewakili Ketua Menteri Datuk Seri Musa Hj Aman.

Majlis Ramah Mesra Timbalan Perdana Menteri bersama Pemimpin Mahasiswa IPTA itu bertujuan meraikan MPP baharu universiti awam di seluruh negara serta pengurusan universiti yang telah banyak membantu dalam pembangunan sahsiah pelajar.